



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

08.09.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի
թիվ ՍՑ-ԱՄ-2017/46

Հայաստանի Հանրապետության գնումների բողոքարկման խորհուրդը (այսուհետ նաև՝ Խորհուրդ) ուսումնասիրելով Հայաստանի Հանրապետության ֆինանսների նախարարության 28.08.2017թ. թիվ 03/26-3/15580-17 գրությամբ «Մոսէսքո» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգով ներկայացված հիմքերը, պարզեց հետևյալը.

• 1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, ՀՀ պաշտպանության նախարարության (այսուհետ նաև՝ Պատվիրատու) 18.08.2017թ. թիվ ԴՎԱ/2763 գրության հիման վրա, 28.08.2017թ. թիվ 03/26-3/15580-17 գրությամբ ՀՀ գնումների բողոքարկման խորհրդում նախաձեռնել է «Մոսէսքո» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. «Մոսէսքո» ՍՊԸ-ի ներկայացրած փաստարկները և դիրքորոշումը.

Խորհուրդը կարծիք ստանալու նպատակով 29.08.2017թ. թիվ ԳԲԽ-ՄԱ/1/15668-17 գրությամբ դիմել է «Մոսէսքո» ՍՊԸ-ին:

Խորհրդի սույն որոշումը կայացվելու օրվա դրությամբ Ընկերության կողմից գրավոր կարծիք չի ներկայացվել:

Ընկերությունը, պատշաճ ծանուցված լինելով Խորհրդի 01.09.2017թ. ժամը 11:20-ի նիստի վերաբերյալ, ապահովել է իր ներկայացուցչի մասնակցությունը, ով հայտնել է, որ չի առարկում պատվիրատուի կողմից մատնանշված՝ Ընկերության կողմից ընթացակարգի 5-րդ չափաբաժնի մասով տեխնիկական բնութագիրը ընդհանրապես չներկայացնելու փաստի դեմ, ինչպես նաև հայտնել է, որ դա տեղի է ունեցել աշխատողի անզգուշության պատճառով:

3. Հայաստանի Հանրապետության պաշտպանության նախարարության կողմից ներկայացված փաստարկները և դիրքորոշումը.

ՀՀ պաշտպանության նախարարությունը 18.08.2017թ. թիվ ԴՎԱ/2763 գրությամբ հայտնել է, որ «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով շրջանակային համաձայնագրերի միջոցով գնում կատարելու ընթացակարգի (այսուհետ նաև՝ Ընթացակարգ) 5-րդ չափաբաժնի մասով «Մոսէսքո» ՍՊԸ-ն ճանաչվել է առաջին տեղ զբաղեցրած մասնակից:

Սահմանված կարգով Ընկերությունը Armeps համակարգի միջոցով ոչ ավտոմատ եղանակով ծանուցվել է երեք աշխատանքային օրվա ընթացքում որակավորման չափանիշները հիմնավորող՝ հրավերով նախատեսված փաստաթղթերը ներկայացնելու վերաբերյալ:

«Մոսէսքո» ՍՊԸ-ի կողմից չի ներկայացվել վերոհիշյալ չափաբաժնի մասով ապրանքի տեխնիկական բնութագիրը:

Հիմք ընդունելով ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 51-րդ կետը՝ Ընթացակարգի գնահատող հանձնաժողովը որոշել է կասեցնել նիստը և Ընկերությանն առաջարկել շտկել վերը նշված անհամապատասխանությունը: Սահմանված ժամկետում «Մոսէսքո» ՍՊԸ-ի կողմից չի շտկել անհամապատասխանությունը, և Ընթացակարգի գնահատող հանձնաժողովը, հիմք ընդունելով Կարգի 52-րդ կետը, որոշել է 5-րդ չափաբաժնի մասով Ընկերության հայտը մերժել:

Պատվիրատուն, պատշաճ ծանուցված լինելով Խորհրդի 01.09.2017թ. ժամը 11:20-ի նիստի վերաբերյալ, ապահովել է իր ներկայացուցիչների մասնակցությունը, ովքեր պնդել են վերը նշված գրությամբ ներկայացված դիրքորոշումը:

4. ՍՑ-ԱՄ-2017/46 պաշտոնական ընթացակարգի քննության համար էական նշանակություն ունեցող փաստերը

ՍՑ-ԱՄ-2017/46 պաշտոնական ընթացակարգի քննության համար էական նշանակություն ունեն հետևյալ փաստերը՝

1. Հայաստանի Հանրապետության պաշտպանության նախարարության կողմից ՀՀ պաշտպանության նախարարության կարիքների համար կազմակերպված «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով ընթացակարգին մասնակցելու նպատակով «Մոսէսքո» ՍՊԸ-ն հայտ է ներկայացրել:

2. Ընկերությունը հայտի թիվ 4.1 հավելվածով՝ առաջարկվող ապրանքների՝ հրավերով նախատեսված տեխնիկական բնութագրերին համապատասխանության վերաբերյալ հայտարարությամբ, հայտնել և հավաստել է, որ «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով շրջանակային համաձայնագրերի միջոցով գնում կատարելու ընթացակարգի շրջանակներում իր կողմից ներկայացված հայտով առաջարկվող՝ (1-ին, 2-րդ, 3-րդ, 4-րդ, 5-րդ, 6-րդ, 7-րդ, 8-րդ 9-րդ, 10-րդ, 11-րդ) չափաբաժնում (չափաբաժիններում) նշված ապրանքի (ապրանքների) տեխնիկական բնութագիրը համապատասխանում է (են) «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-

7/58» ծածկագրով ընթացակարգի հրավերով նախատեսված ապրանքների տեխնիկական բնութագրերին:

Նույն հավելվածի համաձայն՝ 1-ին տեղը զբաղեցրած մասնակից ճանաչվելու դեպքում «Մոսէսքո» ՍՊԸ-ն պարտավորվում է ներկայացնել իր կողմից հաստատված՝ հայտով առաջարկված ապրանքի (ապրանքների) անվանումը և տեխնիկական բնութագրերը:

3. Ընթացակարգի գնահատող հանձնաժողովի 21.04.2017թ. նիստի թիվ 3 արձանագրությամբ կայացված որոշմամբ «Մոսէսքո» ՍՊԸ-ն ճանաչվել է 1-ին տեղ զբաղեցրած մասնակից՝ Ընթացակարգի 1-2-րդ, 4-5-րդ, 7-11-րդ չափաբաժինների մասով, և որոշվել է ծանուցել Ընկերությանը՝ որակավորման չափանիշները հիմնավորող հրավերով նախատեսված փաստաթղթերը ներկայացնելու վերաբերյալ:

4. Ընթացակարգի գնահատող հանձնաժողովի 01.07.2017թ. ժամը 11:00-ի նիստի թիվ 4 արձանագրության 1.1-րդ կետի համաձայն՝ Ընթացակարգի գնահատող հանձնաժողովի կողմից արձանագրել է, որ «Մոսէսքո» ՍՊԸ-ի կողմից ներկայացված որակավորման չափանիշները հիմնավորող փաստաթղթերում առկա են անհամապատասխանություններ, այդ թվում նաև՝ այն, որ Ընկերության կողմից չի ներկայացվել 5-րդ չափաբաժնի տեխնիկական բնութագիրը և դրա մաս կազմող ծանոթության «ապրանքների արտադրման տարեթիվը պետք է լինի 2017թ.» գրառումը:

5. Հիմք ընդունելով Կարգի 51-րդ կետը՝ Ընթացակարգի գնահատող հանձնաժողովի քարտուղարը 07.06.2017թ. Armeps համակարգի միջոցով ոչ ավտոմատ եղանակով ծանուցել է «Մոսէսքո» ՍՊԸ-ին՝ առաջարկելով մեկ աշխատանքային օրյա ժամկետում շտկել արձանագրված անհամապատասխանությունները:

6. Ընթացակարգի գնահատող հանձնաժողովի 01.07.2017թ. ժամը 11:00-ի նիստի թիվ 4 արձանագրության համաձայն՝ «Մոսէսքո» ՍՊԸ-ի կողմից սահմանված ժամկետում ներկայացվել է անհամապատասխանությունների շտկում, բացառությամբ՝ չի ներկայացվել Ընթացակարգի 5-րդ չափաբաժնի ապրանքի տեխնիկական բնութագիրը, ուստի գնահատող հանձնաժողովը մերժել է Ընկերության հայտը նշված չափաբաժնի մասով:

5. Խորհրդի հիմնավորումները և եզրահանգումը

Խորհուրդն, ուսումնասիրելով ՀՀ ֆինանսների նախարարության 28.08.2017թ. թիվ 03/26-3/15580-17 գրությունը, ՀՀ պաշտպանության նախարարության 18.08.2017թ. թիվ ԴՎԱ/2763 գրությունը և կից փաստաթղթերը, հայտնում է հետևյալը.

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ կետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում՝

ա. ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորություն, որը հանգեցրել է պատվիրատուի կողմից պայմանագրի միակողմանի լուծարմանը կամ գնման գործընթացին տվյալ մասնակցի հետագա մասնակցության դադարեցմանը,

բ. գնման գործընթացի շրջանակում ներկայացրել է կեղծ տվյալ,

գ. որպես ընտրված մասնակից մեկ անգամից ավելի հրաժարվել է պայմանագիր կնքելուց,

դ. օրենքով նախատեսված կարգով մասնակցի առնչությամբ կայացվել է որոշում գնումների գործընթացում հակամրցակցային վարքագծի՝ հակամրցակցային համաձայնության կամ գերիշխող դիրքի չարաշահման համար,

ե. երբ առկա է սույն մասի 3-րդ կետով նախատեսված հանգամանքը:

•՝ ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 35-րդ կետի 1-ին ենթակետի «գ» պարբերության համաձայն՝ հրավերով նախատեսվում է, որ մասնակիցը հայտով ներկայացնում է ապրանքների գնման դեպքում իր կողմից հաստատված հայտարարություն՝ առաջարկվող ապրանքի՝ հրավերով նախատեսված տեխնիկական բնութագրերին համապատասխանության վերաբերյալ, պայմանով, որ 1-ին տեղը զբաղեցրած մասնակից ճանաչվելու

դեպքում ներկայացնում է նաև առաջարկվող ապրանքի անվանումը և տեխնիկական բնութագրերը:

Կարգի 47-րդ կետի 2-րդ ենթակետը սահմանում է, որ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով ծանուցում է առաջին տեղը զբաղեցրած մասնակցին՝ առաջարկելով երեք աշխատանքային օրվա ընթացքում ներկայացնել որակավորման չափանիշները հիմնավորող՝ հրավերով նախատեսված փաստաթղթերը, իսկ ապրանքների գնման դեպքում նաև նույն կարգի 35-րդ կետի 1-ին ենթակետի «գ» պարբերությամբ նախատեսված փաստաթուղթը: Նույն մասով սահմանված ժամկետում փաստաթղթերը չներկայացվելու դեպքում հանձնաժողովը մերժում է առաջին տեղը զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդող տեղը զբաղեցրած մասնակցին:

Կարգի 51-րդ կետի համաձայն՝ առաջին տեղը զբաղեցրած մասնակցի կողմից փաստաթղթերն ամբողջական չներկայացվելու, ինչպես նաև ներկայացրած որակավորման չափանիշները հիմնավորող՝ հրավերով նախատեսված փաստաթղթերի, իսկ ապրանքների գնման դեպքում նաև սույն կարգի 35-րդ կետի 1-ին ենթակետի «գ» պարբերությամբ նախատեսված փաստաթղթի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին տեղը զբաղեցրած մասնակցին առաջարկելով մեկ աշխատանքային օրվա ընթացքում շտկել անհամապատասխանությունը:

Նույն Կարգի 52-րդ կետի 2-րդ ենթակետի համաձայն՝ առաջին տեղը զբաղեցրած մասնակցի կողմից արձանագրված անհամապատասխանությունը սահմանված ժամկետում չշտկելու դեպքում հանձնաժողովի որոշմամբ հայտը մերժվում է և փաստաթղթեր ներկայացնելու պահանջ է ներկայացվում հաջորդաբար տեղ զբաղեցրած մասնակցին:

Հայաստանի Հանրապետության պաշտպանության նախարարության կողմից ՀՀ պաշտպանության նախարարության կարիքների համար սպառազինության օժանդակ

ապրանքանյութական միջոցների ձեռքբերման նպատակով կազմակերպվել է «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով ընթացակարգ:

Ընթացակարգի հրավերի ՄԱՍ I-ի 4-րդ կետի 4.3-րդ ենթակետի «դ» պարբերության համաձայն՝ մասնակիցը հայտով ներկայացնում է իր կողմից հաստատված հայտարարություն՝ առաջարկվող ապրանքի՝ հրավերով նախատեսված տեխնիկական բնութագրերին համապատասխանության վերաբերյալ, պայմանով, որ 1-ին տեղը զբաղեցրած մասնակից ճանաչվելու դեպքում ներկայացնում է նաև առաջարկվող ապրանքի անվանումը և տեխնիկական բնութագրերը:

Ընկերությունը հայտի թիվ 4.1 հավելվածով հայտնել և հավաստել է, որ «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով շրջանակային համաձայնագրերի միջոցով գնում կատարելու ընթացակարգի շրջանակներում իր կողմից ներկայացված հայտով առաջարկվող՝ (1-ին, 2-րդ, 3-րդ, 4-րդ, 5-րդ, 6-րդ, 7-րդ, 8-րդ 9-րդ, 10-րդ, 11-րդ) չափաբաժնում (չափաբաժիններում) նշված ապրանքի (ապրանքների) տեխնիկական բնութագիրը համապատասխանում է (են) «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով ընթացակարգի հրավերով նախատեսված ապրանքների տեխնիկական բնութագրերին:

Նույն հավելվածի համաձայն՝ 1-ին տեղը զբաղեցրած մասնակից ճանաչվելու դեպքում «Մոսէսքո» ՍՊԸ-ն պարտավորվել է ներկայացնել իր կողմից հաստատված՝ հայտով առաջարկված ապրանքի (ապրանքների) անվանումը և տեխնիկական բնութագրերը:

Ընթացակարգի գնահատող հանձնաժողովի 21.04.2017թ. նիստի թիվ 3 արձանագրությամբ կայացված որոշմամբ «Մոսէսքո» ՍՊԸ-ն ճանաչվել է 1-ին տեղ զբաղեցրած մասնակից Ընթացակարգի 1-2-րդ, 4-5-րդ, 7-11-րդ չափաբաժինների մասով և որոշվել է ծանուցել Ընկերությանը՝ որակավորման չափանիշները հիմնավորող հրավերով նախատեսված փաստաթղթերը երեք աշխատանքային օրվա ընթացքում ներկայացնելու անհրաժեշտության վերաբերյալ:

Կարգի 47-րդ կետի 2-րդ ենթակետով սահմանված կարգով Ընկերության կողմից ներկայացված փաստաթղթերում Ընթացակարգի գնահատող հանձնաժողովի կողմից արձանագրվել են անհամապատասխանություններ, այդ թվում նաև այն, որ չի ներկայացվել Ընթացակարգի 5-րդ չափաբաժնի ապրանքի տեխնիկական բնութագիրը:

Ընթացակարգի գնահատող հանձնաժողովի քարտուղարը սահմանված կարգով 07.06.2017թ. Armeps համակարգի միջոցով ոչ ավտոմատ եղանակով ծանուցել է «Մոսէսքո» ՍՊԸ-ին՝ առաջարկելով մեկօրյա ժամկետում շտկել արձանագրված անհամապատասխանությունները:

Ընկերության կողմից ներկայացվել է արձանագրված թերությունների շտկում, սակայն Ընթացակարգի 5-րդ չափաբաժնի մասով ապրանքի տեխնիկական բնութագիրը Ընկերության կողմից չի ներկայացվել, ինչի հիման վրա վերջինիս հայտը հիշյալ չափաբաժնի մասով մերժվել է:

«Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, **եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է գնման գործընթացի շրջանակում ստանձնած պարտավորություն, որը հանգեցրել է գնման գործընթացին տվյալ մասնակցի հետագա մասնակցության դադարեցմանը:**

Այսպիսով՝ Խորհուրդն արձանագրում է, որ «Մոսէսքո» ՍՊԸ-ն ՀՀ պաշտպանության նախարարության կողմից կազմակերպված «ԳԱԿ-ՇՀԱՊՁԲ-15/18-ՀՀ ՊՆ ՆՏԱԴ-ՇՀԱՊՁԲ-7/58» ծածկագրով ընթացակարգի շրջանակում թույլ է տվել Օրենքի 5-րդ հոդվածի 1-ին մասի 4-րդ կետի «ա» ենթակետով նախատեսված՝ գնման գործընթացի շրջանակում ստանձնած պարտավորության խախտում, քանի որ Կարգի 47-րդ կետի 2-րդ ենթակետով և 51-րդ կետով սահմանված կարգով և ժամկետներում չի ներկայացրել Ընթացակարգի համապատասխան չափաբաժնի մասով ապրանքի տեխնիկական բնութագիրը:

* Միևնույն ժամանակ հաշվի առնելով այն հանգամանքը, որ Ընկերության կողմից խախտվել է գնման գործընթացի շրջանակում ստանձնած մեկ պարտավորություն, Խորհուրդը գտնում է, որ «Մոսէսքո» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

Հայաստանի Հանրապետության ֆինանսների նախարարության 28.08.2017թ. թիվ 03/26-3/15580-17 գրությամբ «Մոսէսքո» ՍՊԸ-ին (ՀՎՀՀ՝ 04214892) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

ՀՀ գնումների բողոքարկման
խորհրդի անդամ՝



ՄՀԵՐ ԱՆԱՆՅԱՆ